



Broj:
Sarajevo, 30.10.2020. godine

PRIMLJENO: 30.10.2020			
Organizaciona jedinica	Klasifikaciona oznaka	Redni broj	Broj priloga
01-501-15-14/20			

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM

n/r predsjedavajućeg, gđin. Nebojša Radmanović

Na osnovu člana 166. i 170. Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15, 97/15, 78/19 i 26/20), postavljam **ministrici civilnih poslova Bosne i Hercegovine** i **direktoru Agencije za lijekove i medicinska sredstva Bosne i Hercegovine** sljedeće

ПОСЛАНИЧКО ПИТАЊЕ

S obzirom da je u medijima objavljena informacija da je Republika Srpska potpisala predugovor sa Ruskom Federacijom za nabavku 1.200.000 doza vakcine protiv koronavirusa (COVID-19), tražim da mi u svojstvu nadležnih institucije Bosne i Hercegovine, odgovorite na sljedeća pitanja:

1. Koje je mišljenje vaših institucija o pravnom statusu ovog predugovora imajući u vidu činjenicu da je isključivo Bosna i Hercegovina potpisnik Ugovora o nabavci vakcina sa Globalnom alijansom za vakcine (GAVI), te da prema Bečkoj konvenciji o pravu međunarodnih ugovora "samo države imaju sposobnost da sklapaju međunarodne ugovore", a da prema članu 3. stav (2) tačka d) Ustava BiH "svaki entitet može sklapati sporazume sa državama i međunarodnim organizacijama, samo uz saglasnost Parlamentarne skupštine", a u konkretnom slučaju takve saglasnosti nema?
2. Da li je navedeni predugovor u suprotnosti sa Ugovorom o nabavci vakcina sa Globalnom alijansom za vakcine (GAVI), Sporazumom Evropske unije o zajedničkoj nabavci zdravstvenih protivrma i Zakonom o lijekovima i medicinskim sredstvima ("Službeni glasnik BiH", broj: 58/08)?
3. Da li ste od strane Vlade RS obaviješteni o potpisivanju navedenog predugovora, kao i uopće o planu nabavke i vakcinacije stanovništva tzv. ruskom vakcinom?
4. Kada možemo očekivati plan vakcinacije stanovništva na nivou Bosne i Hercegovine i u kojoj fazi su pregovori po pitanju nabavke sigurne i efikasne vakcine, s obzirom da je Svjetska zdravstvena organizacija (WHO) navedenu rusku vakcinu ocijenila kao "sumnjivu zbog skraćenog režima sigurnosnih ispitivanja, kojim je preskočena tzv. faza 3"?

Molim da mi odgovor na postavljeno poslaničko pitanje dostavite u pisanoj formi **hitno**, a ne kasnije u odnosu na rok od 30 dana koji je propisan članom 171. stav (2) Poslovnika Predstavničkog doma.

S poštovanjem,


Dr. Denis Zvizdić